



MY SEKINCHAN PUSARA

45400 SEKINCHAN SELANGOR DARUL EHSAN

MASJID PEKAN SEKINCHAN



: masjidpekansekinchan.com



: 010-8691349

Web : Sistem Mypusara (www.masjidpekansekinchans.com)

UNDANG-UNDANG KECIL TANAH PERKUBURAN ISLAM 2024

MASJID PEKAN SEKINCHAN

JAI.SEL.BPM/01/029/24

2024 / 1445H

UNDANG-UNDANG KECIL TANAH PERKUBURAN ISLAM MASJID PEKAN SEKINCHAN 2024

BAHAGIAN 1

PERMULAAN

Undang-undang kecil

1. Tajuk ringkas dan permulaan kuat kuasa
2. Pemakaian
3. Tafsiran

Bahagian 2

Penggunaan tanah perkuburan

4. Kelulusan bertulis
5. Penggunaan tanah perkuburan
6. Pengebumian mayat
7. Tiada binaan atau perhiasan
8. Daftar
9. Kuasa melantik penggali-penggali kubur dan sebagainya
10. Pengecualian
11. Kuasa Pentadbir
12. Pembawa mayat-mayat ke tanah perkuburan

Bahagian 3

Penguatkuasaan

13. Kuasa penangkapan
14. Kuasa menyita

Bahagian 4

AM

15. Penalti am
16. Pendakwaan
17. Pengkompaunan kesalahan
18. Fi dan caj
19. Kuasa pegawai polis di bawah Undang-undang kecil ini
20. Pembatalan dan peruntukan peralihan



BAHAGIAN 1

PERMULAAN

Tajuk ringkas dan permulaan kuasa

1. (1). Undang-undang Kecil ini bolehlah dinamakan **UNDANG-UNDANG KECIL TANAH PERKUBURAN (MASJID PEKAN SEKINCHAN) 2023**

(2). Undang-Undang Kecil ini hendaklah mula berkuat kuasa pada 1 Januari 2024.

Pemakaian

2. Undang-undang Kecil ini hendaklah terpakai hanya bagi kawasan kariah Masjid Pekan Sekinchan.

Tafsiran

3. Dalam Undang-undang kecil ini melainkan jika kandungan ayatnya menghendaki makna makna yang lain :-

“ **Masjid** “ ertinya “Masjid Pekan Sekinchan” yang berdaftar dengan Jabatan Agama Islam Selangor dengan nombor daftar : JAI.SEL.BPM/01/029/24

“ **Kariah** “ ertinya Kawasan Kariah dibawah urustadbir masjid yang ditentukan oleh Pejabat Agama Islam Daerah Sabak Bernam

“ **Pengebumian** “ ertinya mengebumikan mayat orang islam.

“ **Pentadbir** “ ertinya seseorang yang diberi kuasa secara bertulis oleh Nazir untuk menjaga tanah perkuburan dan menjalankan tugas di bawah undang-undang kecil ini.

“ **Perhiasan** “ ertinya apa-apa batu nisan, alat, bahan, bunga, ranting, pokok atau apa-apa benda lain yang ditanam, digantung, ditabur atau diletakkan di atas tanah perkuburan.

“**Rangka bina** “ termasuklah apa-apa rumah, pondok, bangsal kepungan berbumbung, dinding, pagar, bingkai, pilar, pagar pancang dan papan dinding.

“ **Tanah perkuburan** “ ertinya tanah perkuburan yang disediakan bagi orang Islam di kawasan Kariah Masjid Pekan Sekinchan.

“ **Nazir** “ ertinya orang yang pada masa itu menjalankan kewajipan-kewajipan jawatan Nazir Masjid Pekan Sekinchan.

BAHAGIAN 2

TANAH PERKUBURAN

KELULUSAN BERTULIS

4. (1). Tiada seorang pun dibenarkan mengebumikan mayat tanpa terlebih dahulu mendapat kelulusan bertulis daripada pentadbir.
- (2). Pemohon mengebumikan mayat hendaklah dibuat di dalam borang yang ditentukan oleh Pentadbir. Permohonan tersebut hendaklah dibuat oleh :-
 - (a). Waris-waris atau mana-mana keluarga yang terdekat dengan simati :
Atau
 - (b). Mana-mana orang yang diberi kuasa secara bertulis untuk membuat permohonan oleh waris atau mana-mana keluarga yang terdekat dengan simati.

PENGUNAAN TANAH PERKUBURAN

5. (1). Tanah perkuburan ini hendaklah digunakan bagi maksud pengebumian dan hendaklah dibahagikan kepada petak-petak kubur.
- (2). Petak-petak tersebut hendaklah dinomborkan berturut-turut dan ditandakan di atas suatu pelan yang hendaklah disimpan di pejabat Pentadbir.
- (3). Sebarang penempahan atau pemilihan petak-petak untuk pengebumian adalah tidak dibenarkan.
- (4). Saiz bagi tiap-tiap petak hendaklah berukuran 2.4 meter panjang dan 1.2 meter lebar dan semua kubur hendaklah digali sedalam tidak kurang dari 1.5 meter di bawah permukaan tanah.

PENGEBUMIAN MAYAT

6. (1). Tanah perkuburan ini boleh digunakan bagi tujuan pengebumian pada bila-bila masa diperlukan.
- (2). Tiada seorang pun boleh mengebumikan lebih daripada satu mayat di dalam satu petak.
- (3). Pentadbir boleh, dengan budi bicaranya, mengecualikan perjalanan kuat kuasa Undang-Undang Kecil ini dalam kes-kes khas setelah merujuk kepada pegawai kesihatan dan tertakluk kepada apa-apa arahan munasabah yang dibuat oleh pegawai kesihatan bagi maksud mencegah bahaya kepada kesihatan awam.

TIADA BINAAN ATAU HIASAN

7. (1). Tiada monumen, batu nisan, kepingan bertulis, memorial, monumen bertulis, rangka bina atau perhiasan boleh dibina di atas mana-mana bahagian tanah perkuburan melainkan dengan kelulusan bertulis Pendaftar.
- (2). Pelan-pelan bagi kesemua monumen, batu nisan, kepingan bertulis, memorial, monumen bertulis, rangka bina atau perhiasan yang tersebut dalam perenggan (1) hendaklah dikemukakan kepada pentadbir untuk kelulusannya sebelum pembinaan.

(3). Walau apa pun peruntukan perenggan (1), apa-apa perhiasan bolehlah secara sementara diletakkan, didirikan, digantungkan, ditanamkan atau disandarkan di mana-mana bahagian kubur selepas pengebumian, upacara atau penzairahan.

Dengan syarat bahawa pentadbir boleh pada bila-bila masa mengubah, memungut atau melupuskan perhiasan sedemikian itu.

(4). Pentadbir boleh menurunkan atau mengubah apa-apa monumen, batu nisan, kepingan bertulis, memorial, monumen bertulis, rangkabin atau perhiasan yang telah dibina atau diletakkan di tanah perkuburan tanpa mendapat kelulusan bertulisnya.

DAFTAR

8. (1). Pendaftar hendaklah menyimpan atau menyebabkan disimpan suatu daftar yang hendaklah dimasukkan ke dalamnya.

- a. Nombor siri petak di mana simati dikebumikan.
- b. Tarikh pengebumian.
- c. Nama, nombor kad pengenalan, taraf kewarga negaraan, tempat tinggal, pekerjaan, umur, jantina dan taraf perkahwinan simati.
- d. Tarikh kematian semati.
- e. Dua nama waris, nama, nombor kad pengenalan, nyatakan hubungan dengan simati, alamat orang yang memohon kelulusan bertulis di bawah undang-undang kecil seperti perkara 4:
- f. Sebab-sebab kematian.
- g. Nombor rujukan kelulusan bertulis yang dikeluarkan dibawah Undang-undang kecil perkara 4:

(2). Pentadbir boleh membenarkan orang ramai memeriksa daftar itu dan membuat salinan-salinannya atau cabutan-cabutan darinya dengan bayaran fi sebanyak Ringgit Malaysia lima bagi setiap salinan.

Kuasa melantik pengali-pengali kubur, Penyelia dan sebagainya.

9. Pentadbir hendaklah menyimpan dan menyenggarakan tanah perkuburan ini dalam keadaan baik dan hendaklah dengan kelulusan Nazir Masjid melantik penggali-penggali kubur dan kakitangan-kakitangan lain yang perlu untuk penjagaan dan penggunaan tanah perkuburan dan boleh membayar mereka gaji-gaji dan elaun-elaun seperti Nazir fikir wajar.

Pengecualian

10. Pentadbir boleh dalam mana-mana kes tertentu mengecualikan mana-mana peruntukan undang-undang kecil ini sebagaimana yang difikirkan patut.

Kuasa Pentadbir

11. Pentadbir boleh menurut budi bicaranya menbatalkan atau enggan memberikan sebarang kelulusan tanpa memberi apa-apa sebab.

Pembawa mayat-mayat ke tanah perkuburan

12. Pentadbir boleh membuat perkiraan seperti yang difikirkan patut bagi menyenangkan pembawaan mayat dari tempat kematian kepada tanah perkuburan itu.

BAHAGIAN 3

PENGUATKUASAAN

Kuasa Penangkapan

13. (1). Nazir atau mana-mana pegawai diberi kuasa boleh menangkap tanpa waran mana-mana orang :-

(a). Yang semunasabahnya dipercayai olehnya telah melakukan suatu kesalahan di bawah Undang-undang Kecil ini; atau

(b). Yang enggan memberikan nama dan alamatnya apabila diminta atau jika ada sebab untuk meragui ketepatan nama dan alamat yang diberikan.

(2). Seseorang yang ditangkap di bawah Undang-Undang Kecil ini hendaklah dibawa ke balai polis dan hendaklah dibawa ke hadapan seorang Majistret dalam masa dua puluh empat jam. Melainkan jika sebelum dari masa itu nama dan kediamannya yang sebenarnya telah dapat ditentukan. Dan dalam hal yang sedemikian orang itu hendaklah dilepaskan dengan sertamerta apabila dia menyempurnakan suatu bon untuk hadir di hadapan seorang Majistret jika dikehendaki sedemikian.

(3). Apabila mana-mana orang sedemikian dibawa ke hadapan seorang Majistret, Majistret itu boleh sama ada menghendaki dia menyempurnakan suatu bon. Dengan atau penjamin untuk hadir di hadapan seorang majistret sekiranya dikehendaki, atau boleh memerintahkan supaya dia ditahan dalam jagaan sehingga dia dapat dibicarakan.

Kuasa Menyita

14. (1). Mana-mana pegawai Masjid diberi kuasa boleh menyita atau mengalihkan apa-apa barang atau benda yang menyalahi Undang-Undang Kecil ini dengan risiko ditanggung oleh pemunya.

(2). Apa-apa benda atau barang yang disita di bawah perenggan (1) ini adalah daripada jenis yang mudah rosak atau yang mengikut sifatnya lekas rosak atau jika penjagaan denda atau barang itu melibatkan perbelanjaan dan kesusahan yang tidak munasabah atau dipercayai akan membahayakan orang ramai, pegawai diberi kuasa boleh mengarahkan supaya benda atau barang itu dilupuskan mengikut cara yang ditentukan oleh Masjid.

(3). Mana-mana orang menuntut apa-apa benda atau barang selain benda atau barang yang disita di bawah perenggan (2). Boleh menuntut benda atau barang tersebut daripada Masjid dalam tempoh minima tujuh hari bekerja atau maksima satu bulan dari tarikh benda atau barang itu disita tertakluk kepada apa-apa syarat dan pembayaran yang dikenakan oleh Masjid.

(4). Nazir atau mana-mana pegawai diberi kuasa secara bertulis olehnya tidaklah bertanggungjawab kepada mana-mana orang bagi apa-apa kemerosotan, walau apa pun sebabnya, dalam kualiti apa-apa benda atau barang yang disita di bawah Undang-Undang Kecil ini.

BAHAGIAN 4

AM

Penalti Am

15. Seseorang yang melakukan suatu kesalahan di bawah Undang-Undang Kecil ini yang baginya tiada penalti diperuntukan dengan nyata boleh, apabila disabitkan didenda tidak melebihi Ringgit Malaysia Dua ribu atau di penjara selama tempoh tidak melebihi satu tahun atau kedua-duanya, dan dalam hal sesuatu kesalahan yang berterusan boleh sebagai tambahan didenda yang tidak melebihi Ringgit Malaysia dua ratus bagi setiap hari kesalahan itu terus dilakukan.

Pendakwaan

16. Tiada pendakwaan boleh dimulakan terhadap kesalahan di bawah Undang-Undang Kecil ini kecuali oleh atau dengan keizinan Pendakwa Raya.

Pengkompaunan Kesalahan

17. (1). Nazir, Setiausaha atau Pegawai Undang-Undang Masjid boleh dengan keizinan Pendakwa Raya mengkompaunkan mana-mana kesalahan yang dilakukan di bawah Undang-Undang Kecil ini dan ditetapkan sebagai kesalahan yang boleh dikompaunkan dengan membuat suatu tawaran bertulis kepada orang yang disyaki telah melakukan kesalahan itu untuk mengkompaunkan kesalahan itu apabila dibayar kepada Nazir sejumlah wang yang tidak melebihi Ringgit Malaysia satu ribu bagi setiap kesalahan itu dalam tempoh yang dinyatakan dalam tawaran itu.

(2). Sesuatu tawaran di bawah perenggan (1) boleh dibuat pada bila-bila masa selepas kesalahan itu dilakukan sebelum apa-apa pendakwaan baginya dimulakan, dan jika jumlah yang dinyatakan dalam tawaran itu atau dalam apa-apa tempoh lanjutan sebagaimana yang dibenarkan oleh Nazir atau Setiausaha atau Pegawai Undang-Undang Masjid, pendakwaan terhadap kesalahan itu boleh dimulakan pada bila-bila masa selepas itu terhadap orang yang kepadanya tawaran itu telah dibuat.

(3). Jika suatu kesalahan telah dikompaunkan dibawah perenggan (1). Tiada pendakwaan boleh dimulakan selepas itu berkenaan dengan kesalahan itu terhadap orang yang kepadanya tawaran untuk mengkompaun telah dibuat dan apa-apa benda yang disita berkaitan dengan kesalahan itu hendaklah dilepaskan, tertakluk kepada apa-apa terma dan syarat yang ditetapkan.

(4). Kesemua wang yang diterima dibawah Undang-Undang Kecil ini hendaklah dibayar kepada Kumpulan Wang yang diwujudkan di bawah mana-mana Undang-Undang yang berhubung dengan Pejabat Agama Islam Daerah.

Fi dan Caj

18. (1). Fi dan Caj bagi setiap pengebumian (Tidak termasuk kos bagi menggali dan menutup semula kubur) ialah sebanyak Ringgit Malaysia Tiga ratus (RM300) untuk orang dewasa warga tempatan dan Ringgit Malaysia Lima ratus (RM00) bagi warga asing serta Ringgit Malaysia satu ratus lima puluh (RM150) untuk kanak-kanak di bawah 12 tahun atau berukuran 1.2 meter (4 kaki) dan hendaklah dibayar kepada dan dikutip oleh Pentadbir.

(2). Pentadbir boleh, setelah berpuas hati bahawa si mati tidak meninggalkan apa-apa harta atau keluarga atau kawan yang mempunyai kemampuan untuk membayar fi dan caj tersebut,

meremitkan(mengecualikan) keseluruhan keseluruhan atau sebahagian daripada fi dan caj tersebut.

Kuasa Pegawai Polis di bawah Undang-Undang Kecil ini

19. Tiada apa-apa jua yang terkandung dalam Undang-Undang Kecil ini boleh mengurangkan kuasa seseorang pegawai polis untuk menyiasat apa-apa kesalahan di bawah Undang-Undang Kecil ini.

Pemansuhan dan Peruntukan Peralihan

20. Apa-apa notis, perintah, kompaun, lesen atau dokumen yang dibuat atau dikeluarkan di bawah Undang-Undang Kecil yang dibatalkan hendaklah disifatkan telah dibuat atau dikeluarkan dibawah Undang-Undang Kecil ini dan hendaklah terus berkuatkuasa sehingga dibatalkan.

Dibuat oleh Setiausaha Masjid Pekan Sekinchan dalam mesyuarat pada tarikh 27/12/2023.

Abd Rahim Bin Abu Hassan
Setiausaha, Masjid Pekan Sekinchan

Disahkan oleh Pihak Masjid dalam mesyuarat Pegawai-pegawai Masjid pada 1/1/2024.

Haji Mohamad Yatim Bin Abdul Karim
Timbalan Nazir
Masjid Pekan Sekinchan

Haji Yusof Bin Muhamad
Nazir
Masjid Pekan Sekinchan

